

Cambionan pa centro birando visibel

Contratistanan trahando riba fundeshi di e ruta di e streetcar



Na luna di december 2012 Aruba ta bay conoce un centro di Oranjestad hopi diferente cu loke pueblo a custumbra cune. Un gran parti di e renobacion di centro di comercio, inicia door di Gabinete Mike Eman, ta kedando cla. Un meta di Gobierno di Prome Minister Mike Eman pa ofrece un producto diferente, un producto di cinco strea riba tur nivel, tanto pa e habitantenan di Aruba como pa e turista cu ta bishita e bunita isla aki.

Despues di diferente contratiempo cu a pasa aden, Gobierno ta satisfecho cu e trabou mas pisa pa cuminsa na cambia aspecto di centro

di ciudad a keda cla. Esaki a encera cobamento pa crea e infraestructura necesario cu ta evita cu den futuro cada biaha mester kibra caya pa drecha of cambia un kabel di companianan di utilidad, Setar of di gas. E sistema cu a wordo crea ta cu cada 100 meter tin un caha den cua e trahado por drenta pa mira unda e problema ta y haci cambio.

Di otro banda, contratistanan a cuminsa den diferente area, Havenstraat y patras di ex edificio di DOW, pa traha riba e capa, o sea e fundeshi, di e ruta di streetcar, cu ta practicamente un di e ultimo fasenan di Renobacion Cen-

tro di Oranjestad. Gobierno ta haci un apelacion na e ciudadanonan, principalmente automobilistanan, pa comprension cu tur e cambionan cu ta den eheccion. Cambionan ta trece resistencia of incomodidad pero na final Aruba tin un producto di cinco strea cu tur su ciudadanonan por ta orguyoso di dje. Na e momento aki por bisa cu centro di comercio na Playa ta cla pa instalacion di e railnan. E contratista ta cuminsa ta instala e railsnan straight prome. Esnan cu ta bay wordo poni den bocht ta na caminda pa Aruba. Segun por a comprende for di e

miembronan di Infra-Team, e contratista cu ayudo di expertonan ta instalando 80 meter di rail pa dia riba e ruta straight. Asina cu esakinan ta instala, ta cuminsa basha e fundeshi meymey di e railnan pa nivela e caminda of ruta di e streetcar. Tur e trabou aki ta cuminsa e luna aki. Despues ta sigui cu e railnan pa e bochtan cu ta exigi mas tempo. Ta falta e ora solamente un componente importante di renobacion di centro cu ta e tres streetcarnan. Infra-Team ta trahando riba especificacionnan di e vehiculonan aki, pa cumpli cu reglanan di compatibilidad, pa manda esaki destaho publico. Aki na Aruba mes no tin compania envolvi den e ramo aki y na mundo ta un man yen tin, pa cua tur e documentonan necesario ta wordo manda pa nan pidiendo un oferta. E schedule

traha door di e team ta indica cu e procedura di destaho pa e streetcarnan tin un duracion total di seis siman, cu ta nifica cu pa cuminsamento di augustus e ganado di e destaho pa ehecuta e proyecto aki mester ta conoci. Gobierno ta pidi den e destaho pa e prome streetcar ta cla y entrega na Arubana mita di luna di december pa inauguracion di e centro renoba. Mientras cu e otro dos nan mester wordo entrega pa februari, 2013.

Gobierno ta entusiasma pa sobra tur cos ta indica cu e renobacion completo di e principal centro di comercio na Playa ta canando manera ta programa. Esaki ta un di e proyectonan grandi di Gabinete Mike Eman cu ta refleha e vision di crea no solamente hotelnan di cinco strea pero un Aruba di cinco strea riba tur nivel.